

化州志

光緒十四年重脩

光緒十四年重脩

化州志

高城聯經號刊印

重修州志序

志者記事之書實資治之書也
蓋必洞悉一方之疆域風俗人
事土宜順機利導始克昭德塞
違風流令行否則無所考鏡經
事綜物意為揣摩即幸免扞格
亦有日不暇給之勢然則方志

化州志

卷一序

之所係誠鉅矣余莅化之始調
閱州志則漫漶殊甚詢元版更
久不復存攷是志乃道光初載
前任黃西園刺史所修迄今六
十餘年微特舊帙不完而閱時
久遠世故日新欲就數十年中
徵文考獻其何道之從居無何



適奉

府檄修志即集州人士議意具
協因延請鄉薦紳彭仙舫明府
任纂修襄事者復若而人皆州
中通材經始丁亥孟春首定體
裁以舊志析經政為田賦學校
禮樂兵防四綱未免自亂其例

化州志

卷一序

二

因併歸經政門輿地圖過疏略
當易沿革職官選舉宜用表他
如闕者補之訛者正之分為八
綱各以彙附草創時已綱舉而
目張矣未幾余以瓜代回省邸
閱數月書成諸君子郵致全帙
並以序請因詳加披覽覺義

例嚴正紀載精詳舉有州以來
數千年間其疆域風俗人事土
宜皆歷歷可考文復雅馴洵足
信今而傳後即以備統志之採
擇為

國史之要刪且使後之膺斯土者
觀輿地諸編山川愈思真定觀

經政諸編政教愈思修明觀選
舉人物諸編風俗愈思茂美人
材愈思奮興絜領提綱推行盡
利若虞機張往省括于度則釋
撫百里之地舉而措之裕如也
史稱宋王宏博練治體留心庶
事斟酌時宜每存優允其殆庶

幾則以此為記事之書也可即
以此為資治之書也可

光緒十四年戊子清和月穀且權知化州
事廬陵彭貽蓀子穀氏謹序

擬重修化州志序

且古者小史掌邦國之志誠以志也者合一方之風
士人物而羅括靡遺者也官斯土者必熟察乎此順
其機以利導之斯措置裕如政可不勞而理倘非斟酌
今酌古因地制宜雖汲汲於求治而治不可得則志
乘之足以維持世道固不待言而知矣豈徒誇記載
之詳明備輶軒之採錄云爾哉余於丁亥秋來權辯
州時前任彭君方奉檄修志設局編輯延紳採訪事
未竣而解任去局中秉筆者首推彭明府仙舫孝廉
陳善堂李儀廷二君博雅淵懿具有史才他若陳子

化州志

卷一序

五

錫九楊子叔朋諸茂才或膺分纂校理之責或任收
掌採輯之勞皆各有專長悉心從事不數閱月而書
乃成始索序於余余閱其體例謹嚴大率皆承黃志
之舊然分繪輿圖則益加精密併歸經政則不涉紛
煩而且載武職以補秩官之缺崇節孝以發潛德之
光洵乎綱舉目張燦然大備雖前志刻於道光丁亥
距今六十二年其間節義科第諸人振興不少學校
積儲諸建置尤多經諸君子博訪周諮詳加考核一
一而載諸簡編俾後之覽者瞭如指掌一切興利除
弊得所折衷不待入國而問境焉則是書之有裨於

治術豈淺眇哉是爲序

光緒十有四年歲次著雍困敦仲夏穀旦權知化
州事會稽章毓桂榮生氏謹撰

化州志

卷一序

六

重修化州志序

同治甲戌計偕北上永清令李君吳君相繼聘纂邑志其前志體例一仿龍門尤注意於輿地水道分圖暨沿革職官選舉各表讀跋語知爲會稽章實齋先生手筆先生著文史通義論志最確具得史氏要刪余深以續貂是懼夢有示余龍化二字者不解越十有五年而來牧是州又值重修州志之成志集事於光緒丁亥竣於己丑監修者爲廬陵彭君會稽章君余亦會逢其適纂修則州紳彭君步瀛司其成陳君壽庚李君士周李君鳳文陳君家慶陳君疇馬君龍化州志

卷一序

七

圖及州中知名士各勤其事分繪輿圖表沿革職官選舉與實齋先生書已異曲同工矣建置經政人物藝文雜志足以佐政治而備採擇者彭章二序詳言之毋庸贅而余竊有感者余權篆一十五月耳地方無事而政蹟弗彰何獨於異地異時網羅散失之餘鬼神來告得毋有山川精英鬱結蒼萃待余蒐討而參訂者歟按州於秦爲象郡宋築城於陵羅江口曰羅州縣梁置石龍縣爲羅州石龍郡治唐爲辯州陵水郡治次置羅州又改辯州領石龍陵羅辯龍化等縣宋改化州陵水郡明升府降州再降縣續升州

國朝以化州屬高州府沿革章章若是獨怪薛瑩龍女傳梁天監中詔人入珠藏海甌越羅子春以制龍石上書言世與陵水羅水龍爲婚遠祖矜能化惡龍今龍化縣卽臣祖住宅象郡石龍剛猛難化臣祖化之卽今石龍縣是也請通帝命夫象郡爲秦時統郡陵水羅水卽宋築城之陵羅江口顧所稱遠祖是否種橘之羅辯子春梁時人龍化縣自唐武德間始著而是傳出唐人手意者文人好奇故神其說以放厥辭矜博異乎然而羅仙化龍自晉宋以迄我

朝曰羅州曰石龍曰辯州曰化州所領縣曰陵羅曰羅化州志

卷一序

八

辯曰龍化舉數百里之地以名之千有餘年而勿易其旨亦可見信而有徵矣世傳仙人羅辯化龍種橘二事第未知石龍與橘相維繫否讀柳毅傳洞庭之陰有大橘樹鄉人謂之社橘舉樹三發當有應者洞庭龍窟也橘爲之扁鑰焉則謂羅仙之種橘卽羅仙之御龍也可至今訪羅氏子孫求所謂制龍石不可得而州屬礫石獨多倘制龍石卽礫石之權輿非耶石龍井在親民堂下尾潛羅江署中叢橘千頭貢

天府

下饒礫石春盡夏初地脈上升輒見花龍生於水爲木類橘味辛屬金石爲上脈礫石善下又水性也龍

與橘與石自有一氣感通五行生克之妙天下有事甚奇而理則庸世儒僞舌而識者觀之可不繁言而解獨化龍也歟哉獨龍化也歟哉志貴持正而序可探幽故於諸君索序而類及之是爲序

光緒十六年四月望前二日權知化州事剡溪魏
邦翰序

重修化州志序

昔江文通謂修史莫難於志志與史相爲表裏者也
光緒庚寅夏余蒞化任之初彭君仙舫陳君錫九等
以重修州志稿本見示並乞余爲之序余披閱舊志
化爲石龍古邑歷代析置不一在秦爲象郡漢爲合
浦郡唐爲辯州陵水郡治宋改辯州爲化州元立化
州路明升化州府洪武七年降爲州九年改州爲縣
屬高州府十四年復改州州治處石龍之上居高以
臨有龍德正中變化不測之妙此化州之名所由來
歟景泰七年石龍鳴其聲如鵝州人以此卜正祥今
化州志

卷一序

十

歲秋七月石龍亦鳴越望日地大震窓紙響徹屋瓦
欲飛連日復震乃止君子遇災而懼有修德修政修
救修禱之事余自履任以來愧無善政時而龍鳴時
而地震毋亦有禍福妖祥之兆令人深自警省者乎
夫百姓有過在予一人一夫不獲時予之辜自古帝
王卿相莫不有恐懼修省之心矧予忝授斯土而不
爲之補偏救弊端士習厚民風將來輶軒所採其何
以信今而傳後是則修志固守土者之責也明以前
州志無存迨

國朝定鼎以後呂志成於康熙庚戌楊志成於乾隆戊

辰黃志成於道光丁亥要皆本末賅舉治具畢張卓然經世有用之書非徒爲一時紀載已也迄今閱六十餘年又得子穀彭君榮生章君秋坪魏君接踵而續修之更藉州中諸名士博訪周諮纂修校理其間輿圖之分繪精益求精經政之併歸備無不備他如志建置以考遺蹟志學校以儲人材志官師以補武秩志選舉以廣恩榮志人物以發潛闡幽志藝文以纂言紀事舉凡政治之沿革風俗之淳漓山川之險夷田賦之增減羅括靡遺皆賴彭仙舫明府以總其成而爲之協修協纂者則有觀察陳禹亭貢士李濟化州志

卷一序

十一

鄉孝廉陳善堂李儀廷茂才陳錫九李翰卿楊叔朋馬瑞河諸君以分其任三懸寒暑勒爲成編較之舊志楊志黃志尤加詳焉余雖未贊一辭而適逢其會因是以變其俗因是以修其政更因是以課士訓農爲己任方今

聖天子文教昌明大化翔洽諭飭天下親民之吏務以教養爲根本所冀我邦之人士食舊德農服先疇共樂熙熙皞皞之世後之覽者將有感於斯志豈但弔范學士墓想見亮節高風讀陳學博書俾知忠臣義士以是志爲文獻之足徵哉爰綴數語於首

光緒十六年庚寅歲中秋前三日知化州事西蜀杜

紹唐培庵氏謹序

化州志

卷一序

十一

重修化州志姓氏

總纂官

同知銜署理化州知州彭貽蓀

補用直隸州署理化州知州章毓桂

總纂訂定官

同知銜署理化州知州戊子廣東鄉試同考官丁卯科舉人魏邦翰

花翎同知銜特授化州知州丁卯科舉人杜紹唐

協纂官

化州學正辛酉科舉人盧彤光

化州學正辛酉科拔貢李燮

化州志



卷一

一

化州儒學歲貢謝擷芳

監刊

特授化州吏目戴華珪

纂修

賞戴花翎同知銜卽選知縣辛酉科拔貢彭步瀛

吏部主事辛未科進士李士周

花翎三品銜工部郎中庚午科舉人陳家慶

同知銜丙子科舉人李鳳文

協纂

花翎二品銜江蘇試用道陳壽庚

廩

生 馬龍圖

廩

生 陳疇

分纂

歲

貢 黃鶴儀

拔

貢 溫春黼

候

選

訓導

歲

貢 葉方生

增

生 李士林

廩

貢

生 楊智錫

廩

生 彭兆鯤

收掌校理

化州志

卷一

二

廩

生 李玉龍

廩

生 勞元恩

監

生 蘇廷瑞

採訪

廩

貢

生

分

發

訓

導

黃國英

廩

貢

生

分

發

訓

導

黃之茂

廩

生 張君實

廩

生 劉傳鶴

附

貢

生

分

發

訓

導

周遇漢

附

生 黃夢熊

